

鐵龕詩存

鐵龕詩存卷二

乙卯元旦

東風幅幅換窗紗
萬戶千門紅似霞
我是他鄉宦遊客
隔牆癡聽頌椒花

元宵

錦街燈火玉樓簫
春藹千門夜色嬌
莫道團圓容易過
一年明月始今宵

清明

去年二月到邊城
今日又逢二月晴
雪似梨花烟似

柳遼源城下過清明

路濟戲作

一夜東風凍解齊滿街
淤泥濺春泥任教項羽拔山力
也把烏騅陷四蹄

索笑二首

索君笑贈君言我能爲君祛惱煩
天上神仙不如我終年不得食烟火
今得與君日三餐却比神仙富已
可憐天上無酒鑪八仙好飲無處沽
常得與君杯在手仰天胡不呼烏烏

又

贈君言索君笑我能使君復年少我有一囊青銅錢
君有七條素絲絃將錢沽酒絃揮曲與君醉倒杏花
天杏花紅入杯中酒笑與杏花同開口酒中春色上
君顏學得少年齊拍手

雲處長企韓以詩見寄依韵和之

案牘紛填委冒署寡歡儔良日得休沐負疴類繫囚
多憂令志散索索沈睡眸咳唾下珠玉爽氣若逢秋
爲道小河沿煙景類仙洲綠楊藏畫舫紅蕖媚清流

明妝艷羅綺箏笛叶名謳暉暉春被座琅琅珠串喉
循環誦君詩境真意自優惜我未病時執掌用自羞
兼旬復抱疾胸益少壑邱日氛薄城下暄霧逐風收
起來拂素牋踟躕筆欲投愧乏瑤琚報難爲瓜李酬

二僕歌仿張船山二僕合詠詩

一僕頑鈍如禿鶩一僕慧黠如沐猴禿鶩樸實沐猴
靈一室幻出雙元形先生或作書禿鶩磨墨兩手如
墨豬先生好晝寢沐猴私出閨朋飲先生經月不出
門禿鶩侍如凍鴟蹲先生出門好長談沐猴偷閒睡

態酣禿鶩不識字客來倒持雙名刺沐猴畧文秀囁
嚅斯文效學究吁嗟乎先生爲官不愛錢禿鶩沐猴
瘦可憐先生無聊只好奇沐猴禿鶩亦頗趯趯解人
頤解人頤先生喜沐猴趣禿鶩俚

戲贈友人

世路茫茫本少緣月輪心事缺中圓背人手報崑崙
語誤事囊慳阮子錢二十五年將就木幾千劫後憶
磨磚從今應與東風約莫放桃花惹可憐

到蕭爾沁

一年未出城南路偶到蕭村眼倍明
凍樹已隨春夢醒
溪流如寫道心清
岫雲佇看千重出
野鳥時聞三兩聲
扶醉歸來天欲晚
一行新雁過遼城

春日偶成五首

忙裏偷閒避俗塵
隨緣到處得天眞
不求美宦招時謗
盼有佳兒勝己身
謝傳中年感絲竹
季鷹歸思動鱸莼
年年都被浮名絆
得向花前幾笑嚬

又

人事紛紛一舞臺
笑啼面目假中猜
由來骨鯁難諧

俗自古功名不論才大將威棱誰揖客達官顛倒笑
綳孩同爲宦海浮沈者黑幕陰陰揭不開

又

高臥閒行自在躬空階搔首立東風降心處世猶嫌
傲放胆吟詩不計工柳慣折腰隨意綠花因解語向
人紅靜觀萬物參消息工媚春光總不同

又

偏曳春衫酒半醒晚晴天氣出郊垌一溪雨足新流
碧十里風甜小麥青別浦帆從林杪轉倚橋人在水

中停奚童遙向灘頭指點點沙鷗起遠汀

又

滿地春蕪飛燕子一簾湘竹捲波紋晴空藍襯天心
月返照紅燒雨後雲山色泉聲皆佛偈落霞狐鵝亦
奇文茶烟輕颺花風細安步歸來酒尙醺

塞上

大漠荒荒落日多健兒馬上唱胡歌無端尋得新詩
料青草連天走駱駝

遼瀋道中

覆堤柔草碧如油照水嵐光翠欲流
天地更無雜色相兩三白點是飛鷗

豆苗覆隴麥初黃七八人家傍水塘
塘外水田三五畝幅巾高髻插秧娘
草細如茵碧上窗青梅樹下臥花厖
豆棚當院無人過飛入銜泥燕子雙

妓家乞綫補羅裳胡肆題詩付酒娘
扶上征輪山月出半醒半醉過遼陽

積雨感懷三首

紗窗涼透袷衣裳
冷暖陰晴總不常
百念俱灰成懶臥
一生難貶是剛腸
雲頭壓日橫翻白
雨脚催風怒捲黃
山水不殊風景異
天心人事兩茫茫

二

滄海桑田劫未消
茫茫烟水漫村橋
征徭困似連雲雨
盜賊多於不秀苗
蛙噪千疇聲聒聒
鴻噉四野羽譙譙
白雲未慰蒼生望
幻作奇峰向九霄

三

小窗對水晚來凭
高唱新歌四壁驚
久雨妙能遮俗

客買花喜似得良朋風通香氣濃歸枕雲逼輕寒暗
入燈欲下簾籠猶佇望牆頭一角暮山凝

丙辰春日二首

春鳥啼春曉春烟醉春草開門問東風春來究多少

又

春歸燕方來燕來春又去呢喃花下忙似欲留春住

哭張姊二首

五十年如夢空山泣杜鵑諸孤未六尺有母早重泉

妖夢眞成讖

丙辰元宵張姊夢老叟告以將死醒與
家人言而疑之時尚無病至十九日乳

忽腫二十三日遂逝

此生未了緣天涯回首處一念一潸然

又

世亂生何幸長眠良亦佳其如小兒女何以作安排
五日嬰何病一暝係孔懷數年不相見從此各天涯

感時五首

滿天風雨正飄搖起陸龍蛇各見招事去鯨彭方背
楚時艱王管共歸遼新亭名士囚相向醇酒王孫恨
未消欲蹴劉琨同起舞劍光慘澹又殘宵

悲歌擲酒泣頻下滿眼風烟接地陰舞帳美人羞楚
項渡江名士笑華歆空聞霸業成心醉坐使神州見
陸沈縱有馮驩難市義誤人到底是黃金

三

明月高懸遼水橫騷然草木夾風聲空陳河朔十三
策孤負胸中數萬兵滅燭幾人驚馬逸篝燈到處有
狐鳴熱腸冷眼交相問疑是疑非總不明

四

幾度與人家國事紛紛成敗不堪尋進謀亞父空撞

斗縱間陳平安用金漫向將軍稱揖客何曾丞相解
攻心到頭一擲輕孤注誰念蒼生誤到今

五

沉沉更漏夜燈紅星斗不移月轉東白馬馱經談佛
果青梅煮酒論英雄萬民芻狗悲天下千古興亡在
眼中世界茫茫君試看大爲猿鶴小沙蟲

馬脫韁

樹陰匝地月在床春夜沈沈春夢長忽有大聲發睡
鄉夢中驚起目爲瞠有物如龍氣昂昂勢將千里致

騰驤童僕辟易莫敢當噫嘻櫪空馬脫韁

得王明字書

艷陽入窗隙野馬飛庭隅晴暉院宇靜春睡得蘧蘧
覺來濯清盥理我案頭書書中見故人遺我雙鯉魚
上言長相憶一別二載餘一官不得意將言歸故廬
世亂官已賤官賤志亦虛我意亦如此不如賦遂初
丁巳春雜作七首

贈君大宛之駿馬昆吾之寶刀綠檀青簇鸛鵲袍丈
夫騫志騰四海生不封侯非人豪由來不識官家貴

縛袴持兵氣雄毅鼻端出火耳生風觸忤時豪不知
畏前軍媚嫉日紛紜刀筆小吏橫弄文萬里長城汝
自壞撫几太息復何云還他絳衲兩當去歸向南山
臥白雲

二

烏不黔而黑鶴不浴而白魏收主穢史誰敢與作色
子雲名下士亦作美新客忠如法孝直尙有太橫愬
惠如鄭國僑猶聞孰殺斥口耳固多僞毀譽安足責
萋菲雖貝錦堅白難磷涅去去不足道道義唯所託